

excurrunt. *Mons Pinifer* a Pinuum in eo crescentium abundantia dictus (hic in Nariscorum ora situs est) oriens in montanis marchionis Brandenburgensis, inter Franconiam; Voithlandiam ac Bohemiam intra spatium duum ferme millium pass. quatuor inclytos Amnes, non sine admiratione & Naturæ maiestate effundit, in quatuor mundi cardines, Mœnum videlicet Francicum, Salam Turingicum, Nabum Bavaricum, Egramque Bohemicum. Idemque Mons Auri, Argenti, Argenti vivi, Ferri, Sulphurisque Mineris fœtus. Gemmarum etiam Fodinas exhibet. *Silvis* regio tota tanquam nativo muro circumdatur, cuius pars ea quæ inter Occidentem & Septentrionem porrigitur, *Gabreta* Silva Strab. dicitur, *Gabrita* Ptol. Portio vero quæ a meridie ad Danubium usque pettingit *Luna Silva* Ptol. vocatur, hodie *Passavica Silva*, *Der Passawerwald*: versus Occidentem, qua Moraviæ contigua est *der Scheib* dicitur. Regnum *Bohemia* a Carolo, qui anno cccccxvi factus est Rex & Imperator, diuisum fuit in xii Regiones, quibus singulis annuatim præsunt Capitanei, Baro unus, & alter ex ordine Equestri, qui primū litēs minores cognoscunt inter subditos diversorum Dominiorū. Secundo, si qui emergant latrones, licet ijs convocare vicinam sibi que subiectam Nobilitatem ad grassatores comprehendendos. Tertio, bello fortuito incumbente, quilibet ad suum se recipit Præfectum. Invenio in hoc Regno nominari Burggraviatum *Carlsstein*, ubi Regni Corona asservatur. Comitatus *Lobkowitz*, *Hassenstain*, *Litzkaw*, *Camethaw*, *Passan*, *Melnick*, *Rosenberg*, *Hradetz*. Dominia, *Hafenburg*, *Leip*, *Perstain*, *Dobitschaw*, *Walstain*, *Roschateck*, *Dachau*, *Tetsnick*, *Wartenberg*, *Schellenberg*, *Kost*, *Schmirits*, *Lissau*, *Kunewaldt*, *Dessau*, *Schonpeck*, *Slavva*, *Grossen Bora*, *Liebenstain*, *Ioppendorff*, *Gradetx*, *Colourat*, quorum quædam fortasse sunt Comitatus. Barones, *Trachenberg*, *Mullisch*. *Praga* sede Archiepiscopi ornata est a Carolo Rege Bohemiæ & Imperatore, illique additus suffraganeus Episcopus *Litomisliensis*. Ad mores venio: de quibus Ioannes Dubravius sic scribit: *Vulgi Mores.* Tum morum, tum ipsius Habitus, quem corpore Boiemi præ se ferunt, Leo animal generosissimum (cuius syderi Boiemi subiacent) quasi quandam imaginem exprimere videtur, si vel celsam Boiemorum proceritatem vel latum & validum pectus, vel rigidam fulvisque comis vestitam cervicem, si deinde vocis sonum arduum, si oculos micantes, si robur & fiduciam virium intueri volueris. Solet item Leo contemti in alia animantia, & nonnullo fastu turgere, ægreque exarmari, præsertim si per ferociam eum aggrediare. Nec ab hac parte Boiemus degenerat: sed contemptum libenter erga alios verbo factoque ostentat suum, ipsamque adeo arrogantiam incessu, gestu, pompa prodit. Est & feroculus cum fastidiose tractatur: insuper ausis perinde ut Leo promptus, atque in his extequendis firmus & validus: interim tamen ambitiosus & gloriolus. Rursusque uti Leo sibi avidus: atque in eo condiendo instruendoque immodice effusus.